

志

兵一二

屯田兵糧附

家兵志三

刑法志一二

集事志一二

卷之三

卷之四

卷之五

卷之六

契

高麗史

四十一

共六十七



志卷第三十五

高麗史八十一

平憲大夫曹判書集賢殿大學士知經筵兼教習事兼成均大司成臣鄭麟趾奉

教修

兵一

兵者所以禦暴誅亂有天下國家者固不可
廢而兵制之得失國家之安危係焉高麗太
祖統一三韓始置六衛衛有三十八領領各
千人上下相維體統相屬庶幾乎唐府衛之
制矣逮至肅宗東女真構釁於是銳意捍禦

日事鍊兵遂置別武班自散官吏胥以至商賈賤隸緇流莫不隸焉是雖不合古制然亦用之一時而收效有足稱者毅明以後權臣執命兵柄下移悍將勁卒皆屬私家國有方張之寇而公無一旅之師卒至倉皇不振然後始多方調發或括京都無問貴賤或閱文武散職白丁雜色或僉四品以上家僮或以屋閒多少爲差國勢至此雖欲不危得乎國之大事在戎其制固宜詳備惜前史之不悉

也今特紀其可考者曰兵制曰宿衛曰鎮戍
曰看守軍曰圍宿軍曰檢點軍曰州縣軍曰
船軍曰工役軍其他站驛馬政屯田城堡亦
兵之類也故并附焉作兵志

兵制

二軍

鷹揚軍一領

龍虎軍二領

六衛

左右衛保勝十領 精勇三領

神虎衛保勝五領 精勇二領

興威衛保勝七領 精勇五領

金吾衛精勇六領 役領一領

千牛衛常領一領 海領一領

監門衛一領

諸府

都府外

儀仗府



堅銳府

弩府

別號諸班

神騎

神步

梗弓

精弩

石投

大角

鐵水

剛弩

跳盪

射弓

發火

五軍

中軍置兵陣都指諭及都將校五兵都指諭
及將校都業師神騎都領及指諭左右梗弓

都領及指諭左右精弩都領及指諭神步石
投大角鐵水發火跳盪剛弩亦各置都領及
指諭前後左右軍亦各置兵陣都指諭神騎
神步精弩都領及指諭

太祖二年正月置六衛 十六年置兵禁官

郎中史各一人以掌戎事 定宗二年以契

丹將侵選軍三十萬號光軍置光軍司 成

宗九年十月置左右軍營 穆宗五年五月

作六衛軍營備置職貢將帥今其軍士蠲除

雜役 顯宗五年六月教曰軍人在防戍若在途死者官給歛具函其骨驛送于家 八年九月御宣政殿閱兵 九年二月御宣化門閱射 賜海弩二軍校尉船頭以下茶布有差 八月教自乙卯年以來北鄙戰亡將卒父母妻子賜茶薑布物有差 九月御宣化門集三衛鷹揚軍功臣子孫及文班六品以下有武藝者試定科等 十年七月都兵馬使奏今禦契丹戰陣有功者九千四百七

十二人乞各增階職從之 九月御咸和門

閱六衛將校射御 十一年三月蔡忠順請

軍士有父母年八十以上者免軍就養從之

五月乙卯有司奏前制凡人年八十以上

及篤疾者給侍丁一名九十以上二名百歲

者五名唯征防人不與焉謹按丁酉年開清

州人成允罪當移鄉以其父年滿七十除流

侍養况父子俱無罪責而父母年七八十者

豈謂禮文所無而不許侍丁古今孝心無貴

賤一也請依舊制征防人亦免役養親 九
月御咸和門闕諸將射御 二十年閏二月
始令文官四品以上年未六十者每暇日習
射于東西郊 禁中外軍士請托規免征役
二十二年二月文班有武藝者改授將校
德宗元年三月尚舍奉御朴元綽請令有
司作革車繡質弩雷騰石砲又請以八牛弩
二十四般兵器置邊城從之 十一月遣使
九道選軍士 靖宗二年七月制諸衛軍人

家貧而名田不足者頗衆今邊境征戍未息
不可不恤其令戶部分公田加給 五年六
月制曰自前朝偃武修文蓋有年矣雖四方
無事不可忘戰周禮以軍禁糾邦國以蒐狩
習戎旅傳曰以不教人戰是謂弃之宜遣使
兩京兩路諸州簡取驍勇教習弓馬 六年
二月賜兩京軍士有邊功者衣著有差 八
月西北路兵馬使奏金海兵書武略之要訣
也請沿邊州鎮各賜一本從之 十月西面

兵馬都監使朴元綽造繡質九弓弩以獻極
爲神巧王命造置於東西邊鎮八年判國
子監諸業學生年壯不成才者充光軍十
一年五月揭榜云國家之制近仗及諸衛每
領設護軍一中郎將二郎將五別將五散貧
五伍尉二十隊正四十正軍訪丁人一千望
軍丁人六百凡扈駕内外力役無不爲之比
經禍亂丁人多闕丁人所爲賤役使祿官六
十代之因此領役艱苦爭相求避伍尉隊正

等未能當之若有國家力役乃以秋役軍品
從五部坊里各戶刷出以致搔擾今國家大
平人物如古宜令一領各補一二百名京中
五部坊里除各司從公令吏主事記官有蔭
品官子有役賤口外其餘兩班及內外白丁
人子十五歲以上五十歲以下選出充補令
選軍別監依前用丁連立其領內十將六十
有闕除他人並以領內丁人遷轉錄用中禁
都知白甲別差亦以丁人當差丁人戶各給

津貼務要完恤復立都監擇公廉官吏掌之
勿令容私如有飾詐求免者著枷立市決杖
七十七下配島指揮人並令徵銅其閒諸宮
院及兩班等以丘史賤口拘交造飾求請者
宮院則所掌負兩班則勿論職之有無依例
科罪諸衙門詐稱通糧丘史追錄名籍知情
規避者亦皆科罪 文宗即位侍中崔齊顏
等奏曰兵書云萬人之軍取三千爲奇千人
之軍取三百爲奇請以六衛軍每一將軍領

下選二百人爲先鋒軍從之 判凡軍人有

七十以上父母而無兄弟者京軍則屬監門

外軍則屬村留二三品軍親沒後還屬本役

元年二月衛尉寺奏請依定制送弩弓箭

六萬隻車弩箭三萬隻于西北路兵馬所從

之 七月制西京監軍與分司御史選猛海

軍共一十領依上京例每千人選先鋒三百

以郎將一人領之仍屬左府 四年十月都

兵馬使王寵之奏傳曰安不忘危又曰無恃

敵之不來恃吾有備故國家每當仲秋召會
東南班賁吏於郊外教習射御而況諸衛軍
士國之爪牙宜於農隙教金鼓旌旗坐作之
節又馬軍皆不練習請先選先鋒馬兵每一
隊給馬甲十副俾習馳逐仍令御史臺兵部
六衛掌其教閱從之 判近仗將校以諸領
府將校中御選有身軀多功勞者充差 五
年判有蔭奇光軍以文武七品以上之子五
品之孫京職大常以上之子爲之 六年三

月制曰東北路諸州鎮戍邊之卒連年旱饑
飢饉相仍可今兵馬監倉使及首領官分道
賑恤仍賜衣服 九年九月都兵馬使准舊
制請以九月遣使訓練中外軍士從之 十
一年五月叅知政事金元鼎奏曰今尚書兵
部請遣軍卒以備東西兩界近來軍民困於
封冊使迎送又赴興王寺之役不得休息廩
料亦乏乞依封冊軍例賜物以遣制可 十
二年判四面奇光軍以年十五以上六十以

下無疾病者爲之 十三年三月命有司訓

鍊禁衛軍士 九月賜東北邊戍卒冬衣

十月訓鍊近仗諸軍於東郊 十五年判東

西界防戍軍徵發時一領內百人以上一隊

三人以上有闕者將軍領隊正罷職一校尉

領七人一別將指諭領十五人一郎將領三

十人所領內有闕罷領軍職叅以上申奏叅

外直罷 十七年二月諸州鎮兵已點戰馬

二科以上神騎及曾經戰事步班並蠲苦役

只許情願役事將戰馬隨例調習者亦免苦役
十八年閏五月兵部奏軍班氏族成籍
既久蠹損朽爛由此軍額不明請依舊式改
成帳籍從之 八月以縣袍縣袴毛冠各一
千賜西北面戍邊軍士貧乏者 十二月命
出征袍庫縣衣袴毛冠及靴賜兵卒貧乏者
二十三年三月判諸州一品別將則以副戶
長以上校尉則以兵倉正戶正食祿正公須
正隊正則以副兵倉正副戶正諸壇正試選

弓科而差充 十月以繡質九弓弩習射于
北郊 判軍人年老身病者許令子孫親族
代之無子孫親族者年滿七十閒屬監門衛
至於海軍亦依此例 二十五年六月制曰
近聞諸衛軍人亡命者甚多是由執事不公
富強者托勢以免貧窮者獨受其勞衣食乏
絕而略無休息雖每降恩詔減省而有司營
作不已近年以來軍民頗興怨咨以爲朕不
之恤也自今宜除不急之役其各處監巡點

檢之卒減前數之半所隸官司及其軍將勿
得擅自驅使違者罪之宜令兵部選軍別監
准制行之 二十七年三月命州鎮入居軍
人例給本貫養戶二人 二十九年判征防
軍人有疾病必使醫藥療治身死者給棺槨
令隊典護屍逆傳并其資財付諸妻子官給
葬時所需 三十年正月命有司量給袍袴
于赴防軍士貧乏者 九月有司請依前例
習射繡賀九弓弩於南郊從之 二十五年

十月判凡內外軍丁親年七十以上無他兄弟者並令侍養親沒許令充軍 判發鎮將相將校鞋脚米將軍以下郎將以上十五石攝郎將以下散貨以上十石校尉隊正八石借隊正更米三石二斗四升四合造米三石七斗五升六合 宣宗元年十一月風雪寒甚王念成邊士卒衝冒苦寒以乾明庫平布一千餘匹命征袍都監製衣袴分賜 三年九月召兩京武官閱射于東亭數月而罷十

二月召兩京文官亦如之

八年正月西北

面兵馬使柳洪請造兵車藏之龜州以備不

虞制可

八月都兵馬使秦安不忌危有國

之急務請於戶部南廊閑地置射場一所諸

領軍卒及凡學射者皆令肄習若有中鵠者

賞以銀碗楪一事制可

十年六月都兵馬

使奏少監朴元綽所造千鈞弩實爲有利故

每令於郊原習射廢久乞自今年更依舊法

行之制可

八月都兵馬使奏兵書云急行

軍者著縛絡今縫衣是也乞以大盈庫蠹布
付征袍都監製三四十領分送東北兩界藏
於營庫有急許著之制可 肅宗元年八月
御龜齡閣親閱武班將軍以下隊正以上射
御四月而罷 御東池射亭召左僕射黃仲
寶等及近仗六衛上大將軍侍臣中禁都知
賜弓矢令射侯御史中丞金景庸先中鵠心
賜銀牒五事廐馬一匹其餘中者皆有賜
六年十月御東池龜齡閣閱近仗六衛諸將

士射御 七年六月御東池龜齡閣召宰樞
閱騎兵賞賜 十月御會福樓命選東班臣
僚射 幸長慶寺閱兩京及靜州將士馬隊
命宰樞及扈駕臣僚射侯中者賜廐馬綾絹
有差 九年十二月尹瓘奏始置別武班自
文武散官吏胥至于商賈僕隸及州府郡縣
凡有馬者爲神騎無馬者爲神步跳盪授弓
精弩發火等軍年二十以上者非舉子皆屬
神步兩班與諸鎮府軍人四時訓練又選僧

徒爲降魔軍國初內外寺院皆有隨院僧徒
常執勞役如郡縣之居民有恒產者多至千
百每國家興師亦發內外諸寺隨院僧徒分
屬諸軍 集保勝軍閱兵陣 睿宗元年正
月東界兵馬使吳延寵奏今所徵發內外神
騎軍有父母年七十以上獨子者聽免一戶
內三四人從軍者減一人宰臣樞密之子非
自募從軍者亦免從之 親閱神騎軍 八
月遣使諸道教習兵陣 分遣九道點軍使

以選壯士 四年判神步班屬諸白丁願受

內外族親田地者田雖在他邑名隸本邑者

許今充補樂工及犯奸盜者良賤未辨者勿

許 五年九月御南明門閱神騎神步精弩

跳盪班軍將等仍令神騎打球賜物有差

仁宗五年下旨撫恤軍士以時閱武外無令

服勞 六年判諸領府軍人遭父母喪者給

暇百日 十年三月閱騎步軍於丹鳳門外

二十二年判西京東西州鎮入居軍人蠲

本貫雜役若有侵擾者罪其色典記官 二
十三年判兵馬貲吏衛身從卒以閑人白丁
公私奴子率行仍給公料元帥副元帥各十
人都知兵馬六人各軍使十五人各軍知兵
馬使十二人各軍副使十人各軍判官八人
各軍軍候使用藥貲五人各軍諸色貲各四
人各軍兵馬人吏諸色人吏各二人 毅宗
三年八月中軍兵馬使奏古制天子六軍大
國三軍次國二軍小國一軍請改五軍爲三

軍制可

西北面兵馬使曹晉若奏定烽燧

式平時夜火晝烟各一二急二三急三四急

四每所防丁二百丁二十人各例給平田一

結明宗五年南賊執捉兵馬使奏與賊戰

不利士卒多亡請募僧以濟師十八年三

月制曰撫恤戰軍不奪其時公私營造一切

禁止無令服勞十月大閱于東郊凡十日

自庚寅以來國家多故且懼有變久廢不行

至是而復高宗三年十月以鄭叔瞻爲行

營元帥五領軍馬以禦丹賊又拈京都
不論職之有無凡可從軍者皆屬部伍又抄
僧爲軍共數百十一月宰樞重房奏勿論
太祖苗裔及文科出身悉令充軍從之四
年五月以大將軍任輔爲東南道加發兵馬
使選城中公私隸充部伍以遣之五年七
月宰樞議生從未登仕版者試以詩選取八
十人其不中者皆令從軍八月賜戰沒孤
兒爵三十九年八月設充實都監點閱閑

人白丁充補各領軍隊 四十年八月習水
戰于甲串江 元宗十一年五月罷三別抄
初崔瑀憂國中多盜聚勇士每夜巡行禁暴
因名夜別抄及盜起諸道分遣別抄以捕之
其軍甚衆遂分爲左右又以國人自蒙古逃
還者爲一部號神義是爲三別抄權臣執柄
以爲爪牙厚其俸祿或施私惠又籍罪人之
財而給之故權臣頤指氣使爭先効力金浚
之誅崔瑄林衍之誅金浚松禮之誅惟茂皆

籍其力及王復都舊京三別抄反懷疑二故
罷之 十二年四月司空田份左僕射尹君
正等閱府衛兵不滿其額乃并閱文武散職
白丁雜色及僧徒以充之 五月遣將軍邊
亮李守深等領舟師三百討珍島賊今四品
以上出家奴一口充水手 十三年二月置
戰艦兵糧都監 十五年五月僉東征軍各
領府爭捕東班散職人及白丁以告或誤捕
私奴者 忠烈王元年七月遣使于慶尚全

羅忠清東界諸道點閱軍器 三年二月分
遣各道軍器別監先是令各道造箭旣畢故
閱之藏于京山府碩州 六年十月以將征
日本命密直副使朴球等閱京兵遣使于慶
尚全羅忠清東界交州道點兵 始閱東西
班時散官能赴征者 十一月閱三官五軍
七年四月大閱于合浦 教士卒雖遭父
母喪過五十日即從軍 八年二月蠲征東
戰亡者欠負官錢 九年三月重房調散職

學生白丁充東征軍往往有徹屋而逃重房
請奪田丁以與從軍者四隣不告徵白金一
斤舍匿者二斤尹秀揚言諸生應舉不中
者皆補東征軍諸生畏懼不出都評議司榜
曰敢捕諸生補軍伍者其領府都將尉必重
罰之遣使于諸道備兵糧造器械修戰艦
四月命判密直金周鼎閱軍於燃燈都監
五月命上將軍羅裕揀忽只三番各十人
補東征軍十一年五月王聞乃顏大王叛

請舉兵助討遂閱兵羅裕孔愉等調留京侍
衛軍至發禁學兩館儒生及第趙宣烈崔伯
倫皆以狀元及第屬巡馬 十四年五月閱
兵相府議并調文官及第進士生徒命止之
十六年正月聞東賊來諸君宰樞會議忽
只鷹坊巡馬皆合爲一五月點兵自五品以
下文官及內侍茶房三官五軍禁學兩館皆
令從軍 六月僉議贊成事宋玠等點留京
軍卒於崇文館 忠宣王三年四月復置選

軍 忠肅王三年八月置巡鋪三十三所

忠惠王後五年五月罷內乘鷹坊會入仕者
七品以下九品以上分屬忽只四番隊正散
職分屬詔羅赤八加赤巡軍四番 忠定王
三年八月置松嶽山烽燧所 恭愍王元年
閏三月令宰樞以下至各司令史人備弓一
矢五十戈一劍一點閱之 五年六月下教
曰一推刷行省三所諸軍萬戶府隸屬丁口
用備戎兵一征戍之卒雙丁僉一丁亦非得

已單丁可愍勿使從軍一方今軍興僧之犯
律者勒令還俗以充行伍一國家以田十七
結爲一足丁給軍一丁古者田賦之遺法也
凡軍戶素所連立爲人所奪者許陳告還給
又奸詐之徒雖無兒息妄稱閑人連立土田
無有限極仰選軍別監根究推刷以募戍卒
其逆賊之田計結爲丁亦給募卒一各處逆
賊之奴自稱達魯花赤奪人土田役使良民
蓄積財產其父所在官籍沒以募戍卒 九

月宰樞會崇文館閱西北面防禦兵仗放銃
筒于南岡箭及順天寺南墜地沒羽 十一
月西北面都元帥廉悌臣上箋戍邊之法以
時而代今軍士盛夏北來淹至冬月無衣無
褐何以禦寒設使驅而納諸矢石之間豈竭
其力乎請以半年爲一期更代又軍中雖值
親喪不免行伍其在人子之情何可忍也自
今凡遭喪者許以人代之如有代者計日給
暇 置忠勇四衛衛各置將軍一人中郎將

郎將各二人別將散負各五人尉長二十人
隊長四十人 七年五月倭焚喬桐京城戒
嚴發忽只四番各十五人忠勇衛左右前三
番各十人赴喬桐又發忠勇衛三番各三十
人阿加赤三番各十人波吾赤三番各十人
忠勇衛三番各十五人譯語各五人赴阻江
赤口柘石等處發五部坊里成衆噶馬鰥寡
外正軍五百人赴西江赤江等處又以城門
修理五都監判官等爲倭賊防禦兵馬判官

各率坊里兵五百人赴之 七月都評議使
奏前銜三品以下各以坊里點數有變則四
面都監官負先以一里一人率領赴防從之
九年五月倭寇龍城等十餘縣以柳濯爲
京畿都統俾括坊里人爲軍大戶二人小戶
一人屯東西江又令百官助征唯各司行首
有司及御史臺城門都監等不與焉 十年
十月募兵凡應募者除私賤外士人鄉吏官
之官司奴隸良之或賞錢帛聽其自願 十

一年六月監察司上言國家寇盜連年兵不
團結每至危急徵兵於農非惟擾民亦無救
於倉卒自今選揀丁壯以備緩急初置忠勇
衛祿其將士同於八衛者蓋欲効民於倉卒
也南幸之際未有一人扈駕者誠爲虛設徒
費廩祿請罷之分屬諸衛收其俸祿以補國
用 八月遣使諸道調兵慶尚道一萬一千
揚廣全羅道各一萬江陵朔方交州道共一
萬西海道盡僉丁壯 十二年五月下教陣

亡軍戶蠲雜役優加存恤州縣之吏發兵防
戍免富差貧以逞其欲所在官司痛行禁理
七十以上與免戍役康寧以來防戍有功者
存撫按廉體察申聞錄用 十六年二月以
諸道閑散官隸五軍尋罷之 十八年十一
月今西京萬戶府左翼右翼前軍後軍精銳
精毅忠毅忠誠新僉新成十軍安州萬戶府
左勇右勇左猛右猛前勇後勇前猛後猛八
軍義州萬戶府左精右精忠信義勇四軍泥

城萬戶府鎮平鎮江鎮靜鎮遠四軍江界萬
戶府鎮邊鎮成鎮安鎮寧四軍皆置上副萬
戶 十二月各司各愛馬五部閑良品官皆
分屬五軍旗幟衣服隨方色有別 二十年
七月羅州牧使李進修上疏曰盜賊四起國
家軍務一無統紀倉卒臨時何時而可宜四
怯薛外別置軍帥府仍令左右前後軍各有
將帥僚佐以管時散文武品官受約束於都
統使都統使受約束於怯薛官怯薛官事無

鉅細聞奏施行雖在外方亦各以其方東面
屬左軍南面屬前軍西海屬右軍北界屬後
軍然則內外上下脉絡相通網舉目張矣
十二月教曰選軍給田已有成法近年田制
紊亂府兵不得受田殊失募軍之意其復舊
制兵興以來戰亡將士悉加褒贈官其子孫
卒伍則存恤其家二十一年十月倭船二
十七艘入陽川浦諸將出戰而敗命成衆愛
馬及五部坊里人分隸五軍諫官禹玄寶

等上疏曰不教民戰是謂弃之況戰者危事
一勝一負存亡關焉不可不慎國家素無預
備民不知戰一旦有變搶攘顛倒方始驅聚
以充卒伍兵刃未交望風披靡以此而戰烏
乎有成雖孫吳爲將亦無能爲矣宜預選將
帥蒐卒鍊兵教而習之使人人耳熟金鼓目
慣旌旗皆以戰爭不爲驚駭可爲之事則雖
遇勍敵皆能敢鬪豈有狼狽失次者乎用兵
之道專在於將良將之才自古爲難宜擇子

第有器識者並令學兵法習武藝常加教閱
訓養精銳待其成才而用之良將何難得而
用兵其有失律之患哉古有兵書取人之科
即此意也食者民天不可不重孔子言兵先
言足食食如不足兵雖衆將焉用哉國家用
兵已多年矣未有蓄積以備不虞况今兩澤
愆期豐歉難知宜廣儲待以贍軍食 二十
二年八月募人設義勇左右軍置判事知事
以領之

辛禡元年正月五部都摠都監坐興國寺點
各領及坊里軍器 二月下旨選軍募軍給
田賞功仰都評議使詳酌立法以廣軍額防
禦都監月課支用量宜加給以行勸督 八
月改定都城五部戶數凡屋間架二十以上
爲一戶出軍一丁間架小則或併五家或併
三四家爲一戶 二年五月體覆使郭璇還
自全羅道奏曰元帥於原定別抄外又抄煙
戶軍又抄別軍民將失農乃罷煙戶軍與別

軍歸農 七月都評議使奏今倭賊興行但以防禦都監軍器難於周用宜令各司用司中錢物刻日造兵器以備緩急禍從之禍曰四方盜賊未息軍政當時所急今後每當興師之際令各道都巡問使兼元帥軍目道官負兼兵馬使知兵馬使與各道元帥各軍目道兵馬使知兵馬同帥各道曾屬品官軍人上京大小品官并及子弟閑散兩班百姓諸官司倉庫私奴漢才人禾尺僧人鄉吏中

擇便弓馬者各備兵器及冬衣戎衣二朔料
麤末乾飯以待如有緩急元帥各軍目道兵
馬使及期來會 八月遣使諸道點兵揚廣

道騎兵五千步卒二萬慶尚道騎兵三千步
卒二萬二千金羅道騎兵二千步卒八千交
州道騎兵四百步卒四千六百江陵道騎兵
二百步卒四千七百朔方道騎兵三千步卒
七千平壤道騎兵六百步卒九千西海道騎
兵五百步卒四千五百 三年正月新置安

州二翼軍號新勇新猛安州本有八翼今更
爲二翼總十翼與西京軍同 二月召募良
家子弟善射御者及郡縣吏有臂力者防倭
覈諸司貧吏告歸田里久不還者削職取其
田給有戰功者 三月徵造戰船僧徒於京
山及各道楊廣道一千人交州西海平壤道
各五百人京山三百人今日僧徒如有苟避
者輒以軍法論移牒諸道其船匠一百人餼
廩及其妻孥 都城諸門皆置元帥分領五

部坊里軍以備之 判三司事崔瑩至行省

調諸元帥從事各十人及各愛馬宮司倉庫
人爲江華防戍之軍怒其部伍不一使請於
禍曰臣願斬部伍之長禍曰都統使毋乃已
殺乎請輕之重者杖之輕者原之 四月點
五部街里戶數以屋三十間出丁三人二十
間出丁二人十三間出丁一人九間以下令
出從軍者軍具 五月都評議使懼倭賊犯
京令街里烟戶軍約束部伍畫地以守之失

畫地者斬乃以崔瑩曹敏修治兵甲楊廣全
羅慶尚三道倭賊方熾京城益戒嚴乃出良
家子弟諸元帥從事各司謁告歸鄉者徵至
京城不應者籍沒其家五月烽火自江華
畫舉不絕京城戒嚴遣諸元帥分成東西江
召募勇士官給布人五十匹六月都評議
使閱各道所調閑散軍先是各道抄軍使等
抄閑散子弟慶尚道六百全羅道一千三百
四十楊廣道七百無馬者畏刑至有鬻子易

部坊里軍以備之

判三司事崔瑩至行省

調諸元帥從事各十人及各愛馬宮司倉庫
人爲江華防戍之軍怒其部伍不一使請於
禍曰臣願斬部伍之長禍曰都統使母乃已
殺乎請輕之重者杖之輕者原之 四月點
五部街里戶數以屋三十間出丁三人二十
間出丁二人十三間出丁一人九間以下令
出從軍者軍具 五月都評議使懼倭賊犯
京令街里烟戶軍約束部伍畫地以守之失

畫地者斬乃以崔瑩曹敏修治兵甲楊廣全
羅慶尚三道倭賊方熾京城益戒嚴乃出良
家子弟諸元帥從事各司謁告歸鄉者徵至
京城不應者籍沒其家五月烽火自江華
畫舉不絕京城戒嚴遣諸元帥分戍東西江
召募勇士官給布人五十匹六月都評議
使閱各道所調閑散軍先是各道抄軍使等
抄閑散子弟慶尚道六百全羅道一千三百
四十楊廣道七百無馬者畏刑至有鬻子易

馬盡賣家產又賣已耘之田以求馬匹雖名
閑散其實農民及戍邊鎮者居半至是皆令
放歸 七月開城府狀曰其一倭賊向京城
對戰事則曰我國家夜別抄三番皆步卒有
勇力者也近年以來倭賊深入陸地弱馬窮
民強稱馬兵不論射御能否皆以調弓殘箭
以具軍額如遇長槍利劍摧鋒挫銳之寇無
所措手多致喪亡誠可痛也願自今射御驍
勇者爲馬兵其民軍則爲步卒皆賣槍劍白

捧隨其所用以禦賊鋒可也其二各道各官
依東西北面例各翼設立事則曰輕變先王
之制似乎不可然無知之民不慮社稷安危
規免出征彼此流移軍額日縮職此之由宜
分揀強弱以成軍籍其三五部元帥定體事
則曰城內鰥寡孤獨稍多其無男丁各戶外
烟戶男丁調發出軍其四定遼軍馬對敵事
則曰嚴器械謹烽燧馬兵步卒各持所能軍
器養兵靜守如有彼敵兩班百姓公私賤隸

僧俗勿論悉皆調發力戰勢如難濟各入山城堅壁固守乘閒伺隙四出攻之 十月始置火桶都監 徵諸道兵以備倭慶尚道騎兵六百江陵平壤道各三百朔方西海道各二百交州道騎步并五百 四年四月定火桶放射軍於京外各寺大寺三名中寺二小寺一 十二月都堂議置軍翼邊各道計點元帥下旨限倭寇寢息依西北面例各道皆置軍翼擇清白能射御者自奉翊至四品爲

千戶五六品爲百戶叅外爲統主千戶統千
名百戶百名統主十名錄軍籍其餘三品至
六品分屬各翼備軍器衣甲以兩班百姓才
人禾尺爲軍人人吏驛子官寺倉庫官司奴
私奴爲烟戶軍定頭目聽自願備弓箭槍劍
中一物五人爐曰一斧三鎌二各其官押領
習戰令元帥府及軍目長官點檢無事歸農
有變押領赴征違者以軍法論流移魁首及
引誘許接人並皆軍法斷罪 五年正月諫

官上言易曰長子帥師弟子輿尸凶今元帥
甚衆今出多門故體統紊亂紀綱不立請依
舊制置一元帥餘則罷之加以他號並聽元
帥節制又倭賊日熾侵掠諸道而國家待其
告急然後遣將出師道里悠遠將帥垂至而
賊已浮海不及與戰假令與戰併日倍馳軍
馬疲困屢至敗績請於諸道預遣將帥寇至
則擊之 閏五月憲司上疏論五道新置翼
軍之弊曰古語曰天下雖安忘戰必危又云

足食足兵雖已安之國忘戰則危況未安之
國有事之時乎古人論兵必先足食者兵雖
衆食不足則是無用之兵也故用兵之道足
食爲先足食之道勸農爲本今者各道分遣
元帥計口徵發以成軍籍依西北面創翼置
頭目而守令不顧大體家至戶到殘忍剝
至於單丁寡婦今出子孫俠居剝膚槌髓無
所不至以至斬屍梟首人皆恟懼不惟見存
子孫至於身死已久者及從宦遠適者亦悉

付籍及其點考督使充額方值農時獄囚數
萬誰得治農於是盡賣家財以贖其罪遂失
產業轉于溝壑且各翼頭目必差有職者故
不論所居程途遠近如得有職人則定爲頭
目或三四日或五六日賣糧往還其弊不可
勝言又爲頭目者雖當無事不放軍歸農常
率田獵而奴使之如或闕進日徵布三四匹
無布則家產衣服器皿並徵不還故民不忍
苦稍稍逃散可謂於邑若西北面則全委軍

務貢賦一皆蠲免特置各翼收其田租悉充
軍餉以故軍政無缺他道則不然大小貢賦
差役皆由而出加以翼軍農民失業田野蕭
然以致兵食不足國勢日窘願罷各翼籍見
存丁壯爲軍無事則歸農有變則徵發以爲
常式禍下其書都堂擬議罷之 六年六月
諫官上疏曰興師動衆不能無弊故遣將帥
宜有節制國家已於各道置三元帥一道之
任宜專委三元帥近來一有小寇三元帥外

別遣諸元帥諸兵馬使非惟委任不專卒無
成功往返之間民受其苦乞自今令本道之
任專委三元帥隨其成敗以明賞罰仍乞各
道元帥依六道都巡察使軍目統率本道軍
官毋得奪占以致紛擾 七年七月都堂閱
火桶都監火藥與防禦都監軍器以倭寇
方熾在外前銜奉翊通憲皆令赴征 九年
七月發防里人守四門時才人禾尺等成群
標掠故有此令 八月我

太祖獻安邊之策曰一禦寇之方在於鍊兵
齊舉今也以不教之兵散處遠地及寇之至
倉皇招集比其至也寇已擄掠而退雖及與
戰其如不熟旗鼓不習擊刺何願自今鍊兵
訓卒嚴立約束申明號令待變而作無失事
機一軍民非有統屬緩急難以相保是以先
王丙申之教以三家爲一戶以百戶統主隸
於帥營無事則三家番上有事則俱出事急
則悉發家丁誠爲良法近來法廢無所維繫

每至徵發散居之民逃竄山谷難以招集今
又旱饑民心益離彼用錢穀餌以招納潛師
以來虜掠而歸一界窮民既無恒心又皆雜
類彼此觀望惟利之從實爲難保乞依丙申
之教更定軍戶使有統屬固結其心 十年
八月鷹揚軍上護軍李茂上言府兵虛弱請
選諸道閑良子弟號補充軍以實府兵從之
十一年正月講武藝於馬巖分作兩陣各
以諸色匠人被甲持盾者爲一隊執槍旗者

爲一隊繼以弓手軍鼓噪相格傷者頗多
十三年十一月以西北有變加定各道元帥
分遣抄軍每烟戶出軍一名令時散品秩各
出軍糧且減中外兩班田地以補軍湏十
四年二月籍諸道兩班百姓鄉驛吏爲兵令
無事力農有事徵發八月憲司上疏曰西
北一面國之藩屏頃者奸凶擅國廣置私人
元帥萬戶加於舊額州郡供億不訾民不堪
命相與流亡願自今擇文武兼備威望宿著

者一道元帥一人上副萬戶各一人餘皆罷
之商賈貪徒競托權門以干平戶之任侵漁
陪克靡所不至願自今令其道元帥擇威惠
爲民素所服信者除授毋數易置恭讓王
元年二月諫官上疏論府兵曰我太祖設府
兵令軍薄司典馬櫛之政身彩武藝備完者
得與其選是以將得其人卒伍精強近年以
來入仕多門兵政一壞或拘於都目或出於
請謁不問老幼才否而授之於是樞樞幼子

工商奴隸無尺寸之功坐耗天祿一有緩急
將何以用之甚非先王設兵之意也願令精
選勇略兼備者以代尸祿之輩常習武藝考
覈其能否而黜陟之大護軍上護軍王之爪
牙兵之師表毋令老髦與童稚爲之諸色工
匠其有勞者賞以錢穀不許職事除先王所
設官額外增置貪數一皆削之 十二月憲
司上䟽一府兵領於八衛八衛統於軍簿四
十二都府之兵十有二萬而隊有正伍有尉

以至上將以相統屬所以嚴禁衛禦外侮也
自事元以來昇平日久文恬武嬉禁衛無人
乃於近侍忠勇皆設護軍以下等官以代禁
衛之任而祿之於是祖宗八衛之制皆爲虛
設徒費天祿而其迂達赤速古赤別保等各
愛馬寒暑夙夜勤勞甚矣而不得食斗升之
祿而食四十二都府五貢十將尉正之祿者
非幼弱子弟即工商賤隸或食其祿而曠其
職或勤於王事而不得食豈祖宗忠信重祿

之意哉伏願併近侍於左右衛司門於監門
衛司楯於備巡衛忠勇於神虎衛其餘各愛
馬以類併於諸衛使之番日入直考其勤怠
各以其尉內護軍以下至於尉正之職隨品
錄用使食其祿而勤其職則人樂仕而國祿
省禁衛嚴而武備張矣一近年以來將兵之
任不問其才但位宰相則率命遣之節制失
宜賊勢益張以致侵掠郡縣蕭然古人謂君
不擇將以其國與敵將不知兵以其主與敵

擇將制倭誠今日之急務也願令都評議使
臺諫各舉威德夙著者命爲將帥以申軍政
且軍政多門則號令不肅今之一道三節制
非古制也願自今東西北面外每一道只遣
一節制餘皆罷去一兵者民之司命國之大
政所以衛王室而消禍亂也本朝五軍四十
二都府蓋漢之南北軍唐之府衛兵也遼金
氏接壤兩界立晉帝而子之虎視天下求好
於我而我太祖絕之虜遼宋三帝威振四海

而莫敢旁窺式至于今者以祖宗之軍政得其律令也近世兵制大毀用兵三十餘年軍政無統以無術之將戰不教之民望風奔潰千里暴骨叢爾倭奴爲國之病可不爲痛心哉願自今前銜四品以上屬之三軍軍置將佐五品以下屬之府衛而統于軍薄使上下相維體統相聯軍政出于衆心統于一然後申明軍令訓練士卒百萬之衆如身之使臂臂之使指何守不固何攻不取哉近世奸

臣亂政材非將帥者布列重房百戰勤勞者
方除添設賞罰無章軍士解體所至無功願
自今其有摧堅陷敵之功斬將搴旗之勇百
戰勤勞之効者大則上大護軍次則護軍中
郎將以至別將散負皆受真差以弊破賊之
功則人皆親其上而死其長矣近日舉義拔
亂之時從事于軍者亦加官賞以勸後人一
軍士與倭奴戰而所得馬匹器仗與凡民殺
賊所得之物所在軍民官傳牒境內鞠如盜

賊悉輸之京師以希重賞罔上毒民莫甚於
此故軍士離心賊勢益張甚非計也願自今
諸道將帥破賊者獻馘而已軍民所得倭物
勿使推鞠著爲令典則人樂其利而勇於戰
矣其犯令者內而憲司外而觀察使以不廉
論二年十二月憲司上狀我國百姓有事
則爲軍無事則爲農故軍民一致近年以來
各道節制使爭先下牒使道內郡縣及京畿
農民雖無事時累朔居京人馬疲困民怨爲

甚非唯貢賦百姓至於鄉社里長亦皆隸屬
不利於國不便於民今後擇才智兼全者爲
節制使定其額數使統中外軍士其餘節制
使一皆革罷外方及京畿郡縣軍民亦皆放
還勸農安業以固邦本從之 三年正月三
軍都總制府閱兵 以受命品官并屬三軍
三日中郎將房士良上疏曰民惟邦本本
固邦寧古今之至論也今西北一路乃國家
之要害強兵之所在也頃者奸雄用事萬戶

千戶之屬不是姻婭附己則必出於賄賂苞苴之中乃以頑暴貪利者舉而加諸衆人之首彼焉有爲王敵愾之忠效死勿去之義乎願自今西北面管軍千戶之屬許用兩府以下臺省六曹之薦七月都堂啓請籍水陸軍丁仍帶號牌兵曹上書定忠勇近侍別保三衛額數汰去老幼及無才者

志卷第三十五

志卷第三十五

三十一

志卷第三十六

高麗史八十二



正憲大夫判書集賢殿大提學知經筵春秋館事兼成均奇成臣鄭麟趾奉

教修

兵二

宿衛

成宗元年六月正匡崔承老上書曰我朝侍衛軍卒在太祖時但充侍衛宮城其數不多及光宗信讒誅責將相自生疑惑簡選州郡有風彩者入侍時議以爲繁而無益至景宗

朝雖稍減削洎于今時其數尚多伏望遵太祖之法但留驍勇者餘悉罷遣則人無嗟怨國有儲積 顯宗十年二月禮司奏請禁衛士春月擐鐵甲從之 文宗十八年六月宮城使奏宮闕守衛軍士當衣紫帶劍今有衣皂不持兵仗者請罷職從之 毅宗二十一年正月屯府兵于闕庭以備不測自是選取驍勇者號內巡檢分爲兩番常著紫衣持弓劍分立仗外不避雨雪夜則巡警達曙 明

宗五年十一月時因西征衛卒之少加發四百人號衛國抄猛班皆持劍戟環衛毬庭十一年七月夜自壽昌宮北垣投石抵御寢北牖者三四宿衛皆驚巡索禁垣竟不得重房奏請每夜一將軍領手下軍校伏兵宮門外及諸要害處以備警急從之元宗十年二月時誅金俊以勢家子弟持弓矢入衛殿內稱後壁將軍金保宜林惟茂趙允蕃崔宗紹等以後壁賜紅改銜十五年八月忠烈

王即位以衣冠子弟嘗從爲禿魯花者分番宿衛號曰忽赤 元年正月以忽赤四番爲三番 八年五月以達達人分屬忽赤三番依中朝體例令各番三宿而代率龍等諸宿衛亦然 九年七月選衣冠子弟充世子府宿衛 十三年閏二月令忽赤鷹坊三品以下佩弓箭輪次入直 忠宣王元年六月復分忽赤爲四番 忠肅王七年十月無賴之徒往往成群殺人故別定巡行以至燈燭輩

皆爲之 十二年五月命巡軍忽赤等別行
巡綽禁街衢閑雜人 恭愍王元年五月宰
樞以倭賊近境慮草賊請令各司官吏一人
令史一人備弓矢宿衛從之 三年七月柳
濯廉悌臣等大臣老將四十餘人率精銳二
千赴征宿衛空虛王疑懼募弓手于西海道
以備不虞 十三年七月選諸道良家子弟
補充八衛輪番宿衛楊廣道八千五百人全
羅道五千五百人慶尚道九千人交州道三

千人江陵道一千人分屬五軍屯于京城各
門江陵道子弟屯于本道以備東北 十六
年八月今諸道散官赴京宿衛 二十年七
月羅州牧使李進修上疏曰侍衛之於宮闕
猶四支之於身體仁義識理者爲最勇敢者
次之宜置四怯薛官各那演若干人不拘文
武者德其有八上將軍十六大將軍四十二
都府忽赤忠勇各四番均分屬之訓練士卒
嚴明器械更日侍衛稟行軍令又兼管中外

帥府則其於軍國重事若身之使臂臂之使
指身安而事舉矣 辛禍元年十一月令宰
臣樞密皆持兵宿衛先是宰臣樞密各一人
輪次入直至是勿論番次皆令宿衛 三年
十二月命成衆愛馬勿論番次皆入直又以
所乘馬置紫門以備不虞 命翼衛軍宿衛
於闕外四隅宰樞各以伴偶宿于私第 四
年十月改忽赤四番爲近侍左右前後衛置
四品以下祿官 恭讓王二年二月三軍總

十二年三月遣大相廉相城安定鎮以元
尹彥守考鎮之 九月遣大相式廉城安水
鎮以元尹昕平爲鎮頭又城興德鎮以元尹
阿次城爲鎮頭 十三年二月城昵於鎮改
名神光鎮徙民實之 八月遣大相廉相城
馬山以正朝昕幸爲鎮頭 十四年以元尹
平奐爲剛德鎮鎮頭 十七年遣大相廉相
城通海鎮以元甫才蓋爲鎮頭 成宗元年
六月正匡崔承老上書曰我國家統三以來

士卒未得安枕糧餉未免糜費者以西北隣
於戎狄而防戍之所多也以馬歇灘爲界太
祖之志也鴨江邊石城爲界大朝之所定也
乞擇要害以定疆域選土人能射御者充其
防戍又選偏將以統領之則京軍免更戍之
勞芻粟省飛輓之費顯宗即位造戈船七
十五艘泊鎮溟口以禦東北海賊文宗元
年正月制霜陰鶴浦兩縣沿海處設置軍戍
以扼蕃賊之衝高宗四年正月遣大將軍

吳壽祺以步卒數十防守東界兼領其界諸
軍 元宗十一年十一月為戶高乙麻領兵
二百戍南方以備三別抄 忠烈王元年三
月以耽羅戍卒缺少募人授職以遣 七月
遣府兵四領戍濟州 八年三月遣上將軍
印侯戍合浦 十年正月以宰樞可兼萬戶
者令鎮東邊 十三年七月遣朴之亮以兵
一千戍東界備女真 十五年十二月遣知
密直司事金忻同知密直司事羅裕調東界

防戍軍 十六年二月遣中軍萬戶鄭守琪屯禁忌山洞左軍萬戶朴之亮屯伊川縣界韓希愈屯雙城右軍萬戶金忻屯秦嶺縣界羅裕屯通川界以備丹賊 忠肅王五年四月判鎮邊別抄本以前銜散職及在京兩班輪番赴防近年以來主掌官吏看循面情以人吏百姓代之因此貢賦日減且無識之人相繼逃散當所居州縣徵闕多重民弊不少自今復以前銜散職在京兩班窮推輪番赴

防 十二年十月下旨合浦等處鎮戍軍人
大小郡縣數目不均今後巡撫鎮邊使斟酌
殘盛改定數目凡侵擾營鎮以濟私欲者嚴
加禁恤 恭愍王五年六月教各處加定別
抄不論老弱軍丁勒令遠戍往來疲頓轉相
避逃其令沿海軍民悉充防戍仍蠲徭役遠
地之民代供其役勿令赴防兩得其便且人
之懷土習俗固然宜令東界交州之軍以戍
雙城北界西海以戍鴨江楊廣全羅慶尚委

以禦倭其材勇者選用無方九月遣使諸
道刷濟州人及禾尺才人補西北面成卒
六年正月都評議使請今東西北面成卒二
月遞代軍官則八月遞代軍官與卒一時更
代防戍空虛宜以二月三月八月九月爲先
後番以次更戍其三月遞代須及上旬勿令
妨農二十二年五月以倭寇近島關城中
諸戶以十戶爲一統出一人赴防五日一代
七月以倭寇西江括城中烟戶並令赴防

防 十二年十月下旨合浦等處鎮戍軍人
大小郡縣數目不均今後巡撫鎮邊使斟酌
殘盛改定數目凡侵擾營鎮以濟私欲者嚴
加禁恤 恭愍王五年六月教各處加定別
抄不論老弱單丁勒令遠戍往來疲頓轉相
避逃其令沿海軍民悉充防戍仍蠲徭役遠
地之民代供其役勿令赴防兩得其便且人
之懷土習俗固然宜令東界交州之軍以戍
雙城北界西海以戍鴨江楊廣全羅慶尚委

以禦倭其材勇者選用無方 九月遣使諸

道刷濟州人及禾尺才人補西北面成卒

六年正月都評議使請今東西北面成卒二

月遞代軍官則八月遞代軍官與卒一時更

代防戍空虛宜以二月三月八月九月爲先

後番以次更戍其三月遞代須及上旬勿令

妨農 二十二年五月以倭寇近島閱城中

諸戶以十戶爲一統出一人赴防五日一代

七月以倭寇西江括城中烟戶並令赴防

閏十一月立都總都監括城中諸戶大中
戶并五爲一小戶并十爲一各僉一人中東
部赴東江南西北部赴西江防倭 辛禡元
年九月初慶尚楊廣全羅各道募軍號翊衛
軍屯東西江至是西北面赴征刷五部坊里
各戶人及城外諸陵屬雜人兩江赴防 二
年七月都評議使出榜使守城元帥領坊里
軍守四門又令百官率下屬鎮汾海不與防
禦者唯門下省司憲府內侍茶房知製教藝

文春秋兩館及各司城上而已
訛言倭將寇都城夜半發坊里軍守城又聞賊將先登松岳山發僧為軍分守要害
三年三月崔瑩令諸元帥各出從事十人又發各愛馬宮司倉庫人為兵遣戍江華
恭讓王三年正月置安州鴨綠龍泉大同諸要害處把截官及站夫

站驛

狻猊道掌十

狻猊

開城

金谷

州白

深洞

州鹽

清端

嘉粟

望汀

金剛

楊溪

西維安

松佐

丘

永康

金郊道掌十六

金郊

江陰

興義

牛

王池

江陰

信

白原

牛

金岩

寶山

安城

平

龍泉

洞

班石

騏驎

溫泉

平

管山

汶

今勿

谷

挂谷

使

泉頭

州

岳嶺道掌十一

岳嶺

鳳

洞仙

丹林

黃

陶

工

鳳

金洞

安

射

島

遂

迴郊

生陽

高原

神地

雲峯

京

興郊道掌十二

興郊傳州興材

雲岳寧州通

德肅州迎德

深原永安清安定

林原

玄岳京西

迎和咸從

連城

龍岡安壽安戎

興化道掌二十九

長寧黃州安信嘉州新安

雲興

郭州林畔

通陽

宣州豐陽鐵州光池

寧州昌泰

寧德鴨綠

靜州會元

義州名駒

龍州靈騏

麟州從化威遠長

興泰州城陽

三妓

通義

大平

龜州寶峯

懷仁

義安花田

臨川

定戎銀岳

榛田

寧朔岳舍

龜州芳田

昌平

朔州安富

新驛安戎

雲中道掌四十三 長壽京西通德 善田

金川州慈長梨 長歡 豐歲州連蘇民 新定

通路州鉄圓林州延永安塞青石城 櫻谷 平寧

平蘆寬洞州成密田 咸德州順安德 安洞 德

林州博牽牛 淄潭 寬川寧遠臨洞街德清澗陽昌

新豐州撫雲谷 東山 泰來州孟寬化 石牛

州渭葦溪 安泰州泰閭平 沙川 豐川州延玉

兒 雲畔州雲玉關 擇田州昌長林州成興德州殷

桃源道掌二十一 桃源林松白嶺州瑞玉溪州章

龍潭

楓川

東州

臨湍

平康

松間

丹林

嵐谷

銀溪

交州

臨江驛

田原

東州

桃昌

南驛

丹岳

金化

洞陰驛

朔寧驛

烽谷

僧嶺

通堰

交州

梨嶺

直木

金成

熊壤

成

朔方道

掌四十二

孤山

備山

嵐山

文州

寶龍

瑞谷

朔安

登州

原深

派川

瑤池

鶴浦

追風

霜陰

缺關

通達

高州

知遠

和州

德嶺

文州

長春

通岐

長州

長昌

定州

林州

歸厚

德州

安身

育邊

靜山

仁寧

懷寧

宣德

巨川

元興

朝東

鎮冥

平元

永興

通化

長平

長豐

金壤

同德

歙藤路臨道超塵雲高岑高城養麟秦泰康安昌竹

苞清澗杆城灌木雲根列山長富龍津碧木

林雲巨坊溢守長岐富寧雲

青郊道掌十五青郊開城通波臨津馬山峯碧

池高峯迎曙南京平理德水橡林丹棗積城清波京南

蘆原南京幸州驛從繩安守金輪州重林仁州綠

揚州見

春州道掌二十四保安貧壤富昌

仁嵐春州甘井嘉平川原芳春山梁原貞

狼川遂仁楊連同朝甘泉連峯橫川驛

瑪瑙麟蹄嵐橋瑞未桑樹壤豐雙谷安遂州南京

驛仇石臨川沙蒼峯含春橫川

平丘道掌三十平丘南京奉安州娛賓揚根田

谷伯冬西幽原州楊化寧川嘉興州連原州

黃剛壽山安陰清丹丘安壤神林

原泉南州延平溫山正陽寧靈泉長

林丹義豐永樂壽平新興新津黃利昌樂州

平恩昌保州幽洞甘泉道深奉化

石龍卷一
一
二

溟州道掌二十八

大昌

橫溪

珍富

大化 芳林

雲橋

安昌

鳥原

木界

安仁 丘山

高坦

樂豐

同德

連餘

糧善平陵

史直

橋柯

龍化

沃原

壽山

德新

興府

祖召

祥雲

翼令

降仙

襄麟駒洞

慶州道掌十五

德豐

慶安

長嘉

安

業 南山

良梓

金領

佐贊

分行

五行

安利

無極

遙安

丹月

安富

州槐

忠清州道掌三十四 同和 長足 菁好

水嘉川陽城栗峯 雙樹 猪山 長池清州長

楊堆粮州鎮燕山驛 金沙燕波蒲谷全義成歡

稷山新恩天安金蹄豐歲長世牙州昌德新昌理興溫水日

興禮山廣庭 日新公州坦平公州銀山扶維鳩新豐

榆楊定山汲泉伊山洪州驛 光世大興金井青陽得

熊余魚夢熊貞海靈榆嘉林非熊鴻山

全公州道掌二十一 參禮全州良材屬陽鶯谷

伊城玉庖雲梯材谷咸悅平金馬榛林內材金堤芥

原阜古新保居山泰川原井邑蘇安臨坡進賢禮進

珍化同珍濟元禮進敬天公州平川連山得延利道

公貞民懷德

昇羅州道掌三十青巖羅州仙巖敬陽州光

德奇陽潭慶新清淵龍溪務安廣里南平仁物

綾永新珍原烏林鐵冶嘉林和順綠沙靈光丹巖長成青

松茂街豐咸豐德樹年平永保靈岳通谷道康涿山南海

碧山遂寧別珍山南里黃原軍知福成嘉新寶城波清

陽樂新樂安益新

蟾居光陽栗陽昇州

山南道掌二十八

盤石全州築山高丹嶺鎮

平居 正樹 竈村 小男晉州灌栗泗州新安

江栗原 橫浦河平沙岳陽常寧鎮海浣沙昆明富

多班城知男宜寧速陽 勸賓陝州星奇昌居茂村昌居

有隣嘉樹沙斤安春原 排頓 望隣固城德新

海烏壤巨濟獺溪巨濟

南原道掌十二 銀嶺 昌活 通道南原烏

原任實鑽燧求禮葵樹居寧印月雲峯葛覃九泉大富王果

知新城高陽

樂水富

慶州道掌二十三

活里

牟良

阿弗

知里

奴谷

仍已

仇於旦

州慶長守

寧新清

通

新驛

加火

州永凡

於壽

城押梁

章六

叱神

安康驛

谷

羅清

仁比

杞溪

柄谷

赤冗

州體阿

叱達

海平酒

現

南驛

盈德

琴田

英陽

金州道掌三十一

德山

省仍

赤頂

金谷

大驛

州金靈

浦

昌仁

元七

自如

義安繁

谷

咸近珠

浦合

無乙伊

永安

用家

城密

內也

寧昌

省乙峴

榆川

西之買田

清道竝山玄風一門

城溫井

靈山梁州驛

黃山

源浦

渭川

梁州

蘇山

東萊

阿等良

機長驛

屈火

肝谷

蔚州

德川

陽彦

尚州道

掌二十五

幽谷

虎溪

洛原

洛東

尚州

靑路

鉄波

義城

智保

龍宮

通明

甫州

德通

咸昌

甕泉

安基

安東

安郊

豐山

聊城

慶聞

守山

多仁

雙溪

比屋

安

溪

安定

琴曹

通山

松蹄

臨河

連鄉

仇旂

善州

牛谷

義興

上林

海平

曹溪

孝令

文居

和目

安德

京山府道掌二十五 安堰 踏溪京山安林

高水鄉 綠情八 古火花 茂淇利加 金泉山金 屬

溪開黃 長谷禮知 順陽山陽 土規山利 利仁邑安 增若城管

作乃禮知 洛陽 洛山州尚 會同縣同 後岩 舍林

報秋風 常平中 安谷縣 長寧化 扶桑開

分各驛丁戶為六科以金郊臨波金崑寶山

安城龍泉崑嶺洞仙高原生陽懷蛟林原為

一科以安定迎德通寧雲崑興林興郊長若

安信新安雲興林畔通陽豐陽興化鎮驛為

二科以白嶺玉雞龍潭嵐泉林湍松間丹林
銀漢孤山藍山寶龍鐵關德嶺通達和遠城
陽康樂大平長興玉兒葦溪朔安爲三科以
通德善田金川長利長歡風湍通堰熊壤通
蕃長壽爲四科以金谷深洞清湍望丁金剛
丹林沙溝石牛興泉密田桃摘田原臨江縣
驛利嶺直木保安安撫甘泉山梁高岑竹苞
灌木射岳清澗安奇桑樹雙谷大昌橫深珍
富大和芳林雲橋安仁壽山新池雲峯驥驎

班石陶工金洞管山深源德新洞陰縣驛爲
五科以揚溪嘉原青澗長材雲半金化縣驛
僧嶺縣驛朔寧縣驛元貞芳春遂人富昌甘
泉連峯仁嵐蒼峯嵐嶠圓壤瑪瑙希嶠縣驛
臨川同德驛駒樂豐平陵喬柯史直龍化沃
源興富召召木界烏原慈山降仙玉地白原
兔山縣驛溫泉往谷泉頭今勿雲岳長林爲
六科一科丁七十五二科丁六十三科丁四十
五四科丁三十五科丁十二六科丁七狡猊

雖在兩京間比他驛役事不緊故仍定五十
丁林原雖非兩京間役事最緊故在一科朔
安雖為三科非汭路故定為二十五丁桃源
雖為三科在東西要衝故定為五十丁若有
田而丁口不足以本驛白丁子枝自願者充
立懸鈴傳送懸鈴謂皮帑盛文貼傳送三急三懸鈴二
急二懸鈴一急一懸鈴隨事緩急行之津
驛皮角傳送自二月至七月三急六驛二急
五驛一急四驛八月至正月三急五驛二急

四驛一急三驛 成宗二年判諸驛長大路四十丁以上長三中路十丁以上長二小路亦依中路例差定 顯宗二十三年判京所司於外方州府公貼行移時須報尚書省商確可否而後付青郊驛館使轉送若諸所司及宮衙典有不遵行者館驛使將文貼及事由申省隨即科罪 肅宗八年判諸驛吏立馬不實者降爲常戶 高宗十三年有旨兩江內青郊通波馬山碧池迎曙清波蘆原綠

楊丹棗等驛困於迎送凋弊莫甚其令臨津
課橋別監巡視撫恤 元宗十三年正月分
遣程驛蘇復別監于各道 十五年判各道
出使大小貧鋪馬宰樞十匹三品貧及按廉
使七匹叅上別監五匹叅外別監及外官叅
以上三匹叅外二匹叅上都領指諭等差使
貧三匹將校一匹 忠烈王二年三月令諸
道按察使禁忽赤擅乘驛馬 五年六月都
評議使言今年正月帝令於朝聘路次置伊

里千以供役使尋遣塔伯海等就瀋州遼陽
之間撥與土田標定四至其鴨綠江內今本
國自置兩所今請於所賜之地名營城伊里
千者刷各道富民二百戶徙居之擇副戶長
別將等爲頭目各管五十人五年而遍所徙
民父母兄弟之留鄉者復之頭目之有功者
賞之其所徙二百戶給銀一斤七綜布五
十匹爲屋舍之費白苧布三匹七綜布十五
匹爲農器之直白苧布二匹七綜布十五匹

爲口糧又給紬四匹絛四斤六七綜布十五
匹毛衣冠皮鞋各二爐臼一食器二農牛二
頭犝牛三頭馱駝鞍一油單草席各五又給
兩界亡丁投化丁田各四結令更者遞受擇
能蒙漢語者各二人押去管領其管領人
賜銀一斤白苧布一匹廣苧廣布各十五匹
紬五匹絛三斤米十五石馬三匹歲資其家
紬苧布各三匹米十石鴨綠江內伊里干二
所各一百戶戶給苧二匹六七綜布五匹爲

農器苧二匹六七綜布七匹爲口糧又給紬
二匹絲二斤六七綜布五匹毛衣冠皮鞋各
二爐曰一馬一匹牛三頭馱鞍一油單草
席各三押領官二人人賜苧布五匹紬三匹
絲二斤廣苧廣布各五匹米七石僉者各一
人人苧一匹米二石從之六年八月王如
元自金郊至生陽站驛馬羸疲每站各置內
廐馬二匹以備入朝之行三十四年八月
忠宣王即位十一月下教曰西海道崑嶺至

七站及會源耽羅指沿路站戶頃在東征時以各道人戶并流移人物限年入居至今因循未遘或有物故令本邑充其數馬匹亦如之怨咨尤甚令有司擇選當差者以充站役其各邑人戶並許還本忠宣王三年三月傳旨近來館舍不修使者無所寓可於閑曠處營建十館忠肅王十二年十月教驛路凋弊蓋因內外官司濫騎驛馬或持私馬湏索供給所在官司不能禁止以致驛戶逃移

今後影占驛戶者推還本驛嚴行徵罰後
五年五月教曰西海平壤安定各站以三運
盤纏民部盤纏令打軍每名下官馬外私馬
亦皆喂養侵擾各站今後禁之六年十二
月忠清道馬山碧池青坡等驛吏逃匿北界
靜州等處令其道存問使李玳推刷還本
忠穆王元年整理都監狀行省巡軍忽赤等
以不緊公事乘駟橫行者收鋪馬文字職名
傳報品官及僧俗雜類等多騎私馬以私事

受公券村驛橫行者緣上因從人叅外因當
身收所持私馬各驛定屬恭愍王五年六
月下旨置郵傳命軍興所急其令刷賊臣及
行省所占人物從來不明者悉充驛戶不急
鋪車鋪馬一皆禁止十二年五月下教各
道館驛比因多故日益凋殘其元屬土田爲
人所奪者官爲究治以安生業龍駒以北諸
驛三道之衝供費尤多其柴炭貢與免三年
十三年九月令各司出馬官買之補給西

北面各站 二十年十二月敕曰置郵本爲
傳命近年諸司凡有轉輸皆委驛戶致令人
馬困斃自今都評議使司諸道按廉嚴加禁
治 辛禡十四年六月敕曰館驛之設所以
傳命近因豪強兼并失其土田廚傳如舊以
致凋弊誠可憫焉仰都巡問按廉使復其土
田禁理枉道濫騎及過行隣驛者務加存恤
毋致失所 七月大司憲趙浚等上書曰使
命之任先王於巡問按廉之外不許發遣其

慎重之意可見兵興以來使命煩多冠蓋相望乘驛者一匹之命矯至八九匹一使之供多至數十人察訪多而豺狼之迹未屏宣慰繁而破賊之書幾聞加之以巡問按廉之差使諸元帥之發遣亦皆乘驛橫行州郡馳騫館驛此門一開成衆愛馬之往來京外閑散之私行紛如麻粟更出迭入公然受廩恬不知愧殘鄉破驛之吏垂頭拱手無所控訴以有限之供億應無窮之使客州郡凋弊驛路

流亡願自今州郡庶務一委巡問按廉以責其成雜冗使命不許發遣朝廷文字皆以懸鈴行移非軍情緊急重事不給驛馬非乘驛馬者不得入諸郡各驛以受廩給違者主客皆罷職不敘使各道巡問按廉一法朝廷比制不敢違越違者痛理之 八月趙浚等又上疏曰有旨館驛受害特加存恤臣等以爲雖有仁心仁聞不行先王之政則民不被其澤矣供驛署全掌八道之驛上國之賓朝聘

之使巡問按廉諸奉使者以至出將入相之
鋪馬起發以他官兼其使不坐公廳閉印私
家行移文牒人輕職要凡權勢豪強之托親
戚朋友之請推審田民還徵稱貸看病問安
之往來大而正馬細而知路交錯於前絡繹
於後驛馬僵仆而日減驛卒困苦而日散館
驛凋殘職此之由願自今以供驛署屬之軍
簿司指路知路亦據都堂公緘常坐本司開
印發遣 恭讓王元年十二月趙浚等又上

疏曰近來驛戶凋弊凡鋪馬傳遞知路指路之役州郡代受其苦以至流亡欲使州郡復業當先恤驛戶國家雖置程驛別監安集諸驛而一人不能獨理每驛置私屬以爲耳目然非都堂差遣人人得以侵侮不能安集願自今每驛置五六品丞一人其保舉如守令例給半印而遣之其有能致驛戶富盛鋪馬充立者觀察使報都堂以補守令之闕且授京官以示褒賞邊遠驛丞令觀察使舉補

馬政

諸牧場龍驤黃州隴西河州銀川白州羊欄城左牧

貞州懷仁清州常慈院見州葉戶峴州江陰東州

顯宗十六年判牧監養馬青草節大馬四

匹養奴一名黃草節一日一匹法末三升實

豆三升青草節豆末三升青草節五六七八九月黃草節正二

三四十月文宗二十五年判島陸馬畜不

能監養致死者勾當島吏科罪又州鎮官馬

齒老及亡失者以公須屯田所收買立仁

宗二十三年判西北面諸城州鎮官馬齒老
及物故者以官馬寶及他諸寶公須屯田科
空亡雜位所收買寶充立勿使徵歛貧乏百
姓 毅宗十三年典牧司奏定諸牧監場畜
馬料式 戰馬一匹黃草節一日稗一斗豆
二升末豆四升青草節稗一斗末豆三升
雜馬一匹黃草節一日稗四升豆二升末豆
三升青草節稗三升末豆二升 駱駝一首
黃草節一日稗五斗豆二斗鹽五合青草節

稗二斗豆九升並三合 驢騾各一匹黃草

節一日稗六升豆二升末豆三升青草節稗

六升末豆三升 役牛一頭黃草節一日稗

六升豆二升青草節稗四升末豆二升 犢

牛一頭黃草節一日稗四升豆二升青草節

稗三升末豆二升

尚乘局御馬一匹黃草節田米實豆及末豆

各五升青草節只除實豆 件馬一匹黃草

節田米實豆末豆各三升青草節亦除實豆

役騾一匹 稗一斗 實豆二升 末豆三升 青
草節亦除 豆 牝馬一匹 稗一斗 豆二升 末
豆三升 青草節 稗一斗 末豆三升 二歲駒
稗四升 豆二升 青草節 稗三升 豆二升 把
父馬一匹 一日加稗三升 豆二升 典廐役
騾一匹 一日稗一斗 五升 實豆末豆各三升
青草節 除實豆 大牛一頭 一日稗八升 實
豆三升 黃草七束 大僕寺別立馬 稗一斗
三升 實豆三升 末豆四升 青草節 除實豆

常立馬稗一斗實豆三升末豆四升青草節
除實豆役驃稗一斗實豆二升末豆三升
青草節除實豆元宗十四年二月今諸王
宰樞四品以上各出馬一匹五六品二貧并
出一匹或奪民馬以換軍士瘦馬忠烈王
元年七月遣使慶尚全羅道點閱諸島牛馬
十三年五月今百官出戰馬及器皿宰樞
狄鄉馬各一匹致仕宰樞顯官判事三品狄
馬一匹致仕三品顯官四品鄉馬一匹五六

品二貢并鄉馬一匹七八品二貢并鑰鐵器
一事權務九品三貢并一事十四年二月
置馬畜滋長別監先是放馬於諸島使之蕃
息簡出壯者以充尚乘其餘班賜諸王宰輔
文武臣僚而耽羅之出居多自逆賊之亂元
令島民陸居而耽羅別屬於元馬畜不繁歲
貢甚少國有親朝助征之事今外官獻馬又
品歛百官而至奪外郡良馬內外苦之朝議
以謂若置官選牝馬牝牛使之蕃息則可備

將來於是。有是命。恭愍王三年六月。令百官出馬官。以鈔買之。給征高郵軍士。三品以上。諸君宰樞以下。出馬三匹。六品以上。四品以下。出馬一匹。僧徒亦隨所住寺。高下出馬。八年十二月。令承宣以上。出馬一匹。又括禪教各寺僧徒馬。以充軍用。十年十月。令各道括僧寺出戰馬。有差。十一月。令公侯以下。出戰馬。有差。十一年十月。令文臣出戰馬。辛禡元年九月。徵諸寺住持僧戰馬。

各一匹

城堡

太祖二年城龍岡縣一千八百七間門六水
口一城平壤 三年城咸從縣二百三十六
間門四水口三城頭四遮城二 四年城雲
南縣 五年始築西京在城在者方凡六年
而畢 八年城成州六百九十一間門七水
口五城頭七遮城一堞垣八十七間 城運
州玉山 命庾黔弼城湯井郡 王巡北界

移築鎮國城 十二年城安定鎮又城永清
安水興德等鎮 十三年城安北府九百一
十開門十二城頭二十水口七遮城五城
朝陽鎮八百二十一開門四水口一城頭遮
城各二城馬山號安水鎮 築青州羅城
連州城 十七年城通海縣五百十三開門
五水口一城頭四 十八年城伊勿及肅州
二十年城順州六百十開門五水口九城
頭十五遮城六 二十一年城永清縣城

陽岳鎮二百五十二間門三水口城頭遮城
各二築西京羅城城龍岡平原二十
二年城肅州一千二百二十五間門十水口
一城頭七十城大安州二十三年築殷
州城七百三十九間門八水口四城頭二遮
城四定宗二年城德昌鎮又築西京五城
及鐵甕三陟通德等城城德成鎮城博
州一千一開水口一門九城頭十六遮城九
光宗元年城長青鎮威化鎮二年城撫

州六百三開門五水口二城頭八遮城三
三年城安朔鎮 十一年城濕忽及松城
十八年城樂陵郡 十九年城威化鎮 二
十年城長平鎮五百三十五開門四 城寧
朔鎮 城泰州八百八十五開門六水口一
城頭三十七遮城四 二十一年城安朔鎮
二十三年城雲州 二十四年城和州一
千十四開門六水口三重城一百八十開
城高州一千十六開門六 城長平博平二

鎮及高州又修信都 城嘉州一千五百十
九間 城安戎鎮 景宗四年城清塞鎮
成宗二年城樹德鎮二百三十五間門四水
口一城頭遮城各九 三年城文州五百七
十八間門六 十三年命平章事徐熙率兵
攻逐女真城長興歸化二鎮及郭龜二州
十四年命徐熙帥兵深入女真城安義興化
二鎮 城靈州六百九十九間門七水口二
城頭十二遮城二 城猛州六百五十五間

門五水口四城頭十九遮城二 十五年城
宣州一千一百五十八間門六城頭三十六
水口一遮城三 穆宗三年城德州七百八
十四間門五水口九城頭二十四遮城三
四年城宋豐平虜二鎮 六年修德州嘉州
威化光化四城 八年城鎮溟縣五百一十
間門五 城金壤縣七百六十八間門六
城郭州七百八十七間門八水口一城頭五
遮城二 九年城龍津鎮五百一十間門六

城龜州一千五百七間門九水口一城頭四
十一遮城五重城一百六十八間十年城
興化鎮蔚珍又城翼嶺縣三百四十八間門
四十一年城通州城登州六百二間門
十四水口二顯宗元年城德州二年增
修松岳城築西京皇城城清河興海迎日
蔚州長驢三年城慶州長州金壤又城弓
元山五年城龍州一千五百七十三間門
十水口一城頭十二遮城四六年城雲林

鎮 七年城宜州六百五十二間門五鐵州
城七百八十九間門七水口一城頭十八遮
城四 八年城安義鎮八百三十四間門五
水口一城頭二遮城三 十年城永平鎮
十二年修東萊郡城 十四年城耀德鎮六
百三十四間門六 十六年城霜陰縣 十
七年城順德 十八年城東北界顯德鎮
城清塞鎮八百二十一間門七水口四城頭
十五遮城四 十九年修龍津鎮城 城鳳

化山南以徙高州 二十年遣平章事柳韶
等修古石城置威遠鎮築城八百二十五間
門七水口一城頭十二遮城十二城定戎鎮
八百三十五間門七水口三城頭十二遮城
五 二十一年城麟州一千三百四十九間
門九水口二城頭二十三遮城六重城五十
五間城寧德八百五十二間門七水口一城
頭十四遮城七 德宗元年城朔州八百六
十五間門八水口二城頭十七遮城五二

年命平章事柳韶創置北境關防起自西海
濱古國內城界鴨綠江入海處東跨威遠興
化靜州寧海寧德寧朔雲州安水清塞平虜
寧遠定戎孟州朔州等十三城抵耀德靜邊
和州等三城東傳于海延袤千餘里以石爲
城高厚各二十五尺城安戎鎮杆城縣又
城靜州鎮一千五百五十三間門十水口一
城頭四十五遮城九重城二百六十間三
年修濱州城靖宗元年築長城於西北路

松嶺迤東以扼邊寇之衝又城梓田徙民實之
五年都兵馬副使朴成傑奏東路靜邊
鎮蕃賊窺覲之地請城之從之 城肅州

六年城金海府 七年崔冲城寧遠平虜二

鎮寧遠城七百五十九間堡子八區內金剛

成四十二間宣威成六十一間宣德成五十

間長平成五十三間鼎岑成三十八間鎮河

成四十二間鐵壩成六十一間定安成三十

二間關城一萬一千七百間平虜城五百八

十二間堡子六區內擣戎成三十六間鎮兇
成三十間直岑戎四十一間降魔戎五十間
折衝戎三十間靜戎三十間關城一萬四
千四百九十五間城東路恭假縣一百六
十八間九年城寧朔樹德二鎮十年命
金令器王寵之城長州定州及元興鎮長州
城五百七十五間戎六所曰靜北高嶺掃兇
掃蕃歷川定遠定州城八百九間戎五所曰
防戎押胡弘化大化安陸元興鎮城六百八

十三間戍四所曰來降壓虜海門道安城

宣德鎮十二年城永興鎮四百二十四間

門四文宗即位遣兵部郎中金瓊自東海

至南海築沿邊城堡農場以扼海賊之衝

四年修渭州城以百七十五間城安義鎮

榛子農場爲寧朔鎮以扼蕃賊要衝六百六

十八間門六水口三城頭十三遮城五二

十一年城德州六百四十二間門四二十

八年修元興鎮龍州渭州城共一千九百三

十餘間 宣宗八年兵馬使奏安邊都護府
境內霜陰縣最爲邊地要害乞築城壘以防
外寇制可 睿宗二年尹瓘於蒙羅骨嶺下
築城廊九百五十間號英州火串山下築九
百九十二間號雄州吳林金村築七百七十
四間號福州弓漢伊打築六百七十間號吉
州 三年城咸州及公陰鎮 尹瓘等令諸
軍撤內城材瓦以築九城徙南界民實之
州曰鎮東軍置戶一萬三千號英州曰安嶺
軍雄州曰寧海軍各置戶一萬福吉宜三州

各置戶七千公險通泰四年撤東界崇寧通

平戎三鎮各置戶五千
泰二鎮城 撤英福咸雄四州及真陽宣化

二鎮城 十年復城永清縣六百七十一間

門四水口一城頭四遮城二 城東界預州

十二年城州八百六十五間門五城頭

十七遮城七十四年增築長城三尺金邊

吏發兵止之不從且報曰修補舊城 仁宗

十五年復城安戎鎮三百四十九間門四水

口一城頭遮城各一 毅宗三年復城嘉州

門五水口一城頭二十六 四年城延州門
十水口五城頭十九遮城八 高宗九年城
宜州和州鐵關凡四旬而畢 二十年築江
華外城 三十七年始築江都中城周回二
千九百六十餘間大小門凡十七 三十八
年城金州以備倭寇 三十九年始營昇天
府城廊 恭愍王十八年城嘉州 辛禡三
年開城府狀曰其一外城修葺事則曰定國
立都者必先高城深池此古今之通制也我

國家太祖創業宏遠而城郭不修至於顯廟始築外城置城上羅閣以固守世遠城頽且古基周回廣遠一二年間雖竭民力似未能重修也宜鍊兵息民以待其變其二內城新築事則曰惟事事乃必有備有備則無患矣今也倭寇橫行肆毒京內之民如有急難無所依據誠可畏也願今堅築內城其三外方山城修補事則曰唐鑑以高麗因山爲城爲上策也山城相近之地隨宜修葺使之烽燧

相望攻戰相救可也其四牧府郡縣築城事
則曰休兵息民有國之先務也比來倭患相
仍民不聊生且曾築四方周回長城與癸丑
年所築東西江等城徒勞民費財而已其外
方平地築城宜今停罷 四年十二月甲子
憲司上疏曰諸道州郡山城國家往往遣使
修築多發軍丁不日畢功旋致崩毀其弊甚
巨請自今勿復遣使今守令徵發傍郡軍丁
農隙修葺若未畢則停待明年以爲年例

恭讓王三年三月城機張郡及海州甕津

屯田

兵糧付

顯宗十五年正月都兵馬使奏發西京畿內
河陰部曲民百餘戶徙嘉州南屯田 靖宗

十年二月以禮成江兵船一百八十艘漕轉

軍資以實西北界州鎮倉廩 文宗十八年

二月命有司以禮成江船一百七艘一年六

次漕轉龍門倉米于麟龍鐵宜郭等州及威

遠鎮以充軍糧 二十一年六月制漕運安

瀾倉米二萬七千六百九十石于朔北以充
軍資 二十七年四月西北路兵馬使奏長
城外墾田一萬一千四百九十四頃請待秋
收穫以資軍儲制可 肅宗八年判州鎮屯
田軍一隊給田一結田一結收一石九斗五
升水田一結三石十結出二十石以上色貧
褒賞徵歛軍卒百姓以充數者科罪 元宗
十一年閏十一月令百官出米有差以助軍
餉 十三年五月世子諶遣使諸道各三人

巡視兵糧所出田疇 忠烈王三年二月今

諸王百官以至庶民出米有差以充洪茶丘

軍糧 四年正月以西海道丁丑年轉米給

元帥茶丘軍 五年四月遣使諸道審檢兵

糧 七年三月分給官絹二萬匹于兩班及

京外民戶糴兵糧 十月發龍門倉兵糧給

領府 八年四月東征所支兵糧十二萬三

千五百六十餘石 九年二月命各道祿轉

未輸京者悉充軍糧 三月令諸王百官及

工商奴隸僧徒出軍糧有差諸王宰樞僕射
承旨米二十石致仕宰樞顯官三品十五石
致仕三品顯官文武四五品十石文武六品
侍衛護軍八石文武七八品叅上解官六石
東班九品叅外副使校尉南班九品四石正
雜權務隊正三石東西散職業中僧一石白
丁抄奴所由丁吏諸司下典獨女官寺奴婢
十斗賈人大戶七石中戶五石小戶三石唯
年七十以上男女勿歛 十五年三月發御

庫米四千石以補兵糧 十六年二月哈丹
犯邊令諸王宰樞承旨班主各出米七石坊
里庶人出米有差以充東界防戍軍糧 九
月傳旨東界州郡轉米一千石及雙城近處
盈德興海德原清河等沿海各州今年轉米
並輸于雙城以充軍糧 雙城鎮守別抄馬
二百五十匹料自今年十月至明年二月計
凡一千二百五十石以雙城旁近盈德長驛
德原興海清河延日安康杞溪神光等州今

年雜貢皮穀計折輸送 恭愍王元年二月
下旨前者以軍糧不足權借米粍以百石准
四十石其數過重今改定十石准三石百石
准三十石今月二十二日鑰匙下送其不從
國令人貧仰軍糧色處分開閉以時在數並
沒入 五年六月教曰一金羅道臨坡屯田
近來權勢之家稱爲賜給奪占殆盡仰都評
議使別置屯田官諸家占奪一皆復舊沿海
之地築堤捍水可作良田者往往而有宜令

有司相地用防倭之卒爲之農夫諸家賜給
田平衍膏腴可屯田者以賊家及行省所占
人物分隊給地以責其事各道凡古屯田處
皆用臨坡屯田之例一外方州縣所有亡寺
院官吏收其田租爲公用所在皆是今當軍
興時其亡寺院田租皆給防護軍糧 十一
月廉悌臣上疏曰食爲民天兵藏於農宜令
軍士有事操兵無事屯田則轉餉省而軍食
足矣軍師之盛在於儲峙令師興有日而輓

輸之路阻脩如選其精強分屯要害移其餘
卒就食安州等處觀變而動則輓粟之勞減
而養兵之勢強矣 二十年十二月敕曰屯
田之法有益軍需仰都評議使行移各道防
禦大小貧官相其地利役以軍人耕種以省
漕輓之費 辛禡元年二月下旨屯田之法
役以成兵閑民擇其曠地量宜屯種以省漕
輓之費今戶給種子不論豐歉收入無法民
甚苦之仰都評議使行移各道家戶屯田一

四庫全書卷之二十二

皆禁止其餘屯田亦從優典量力屯種以補糧餉 九月取諸寺田租以充軍費 十月備比元諸軍以屯比界比界舊無私田官收租以充軍糧後勢家爭占為私田以故轉餉不繼取糧於民民甚苦之安州以北尤受其害 二年九月都評議使以各道軍資無數日之費令各道在外品官又烟戶各里差等抽斂以補軍須 宰樞議曰近因軍征軍糧之少宜令京外品官大小各戶出軍糧有差

兩府以下通憲以上造米四石三四品三石
五六品二石七八品一石權務十斗散職鄉
史十斗百姓公私奴則量其戶之大小徵之
閏九月憲府以兵革旱荒連歲相仍軍食
罄竭請於功臣田租三分取一社田收其
半兩殿所屬官司田科歛外羨餘並充軍需
從之三年三月崔瑩言於禍曰喬相江華
乃倭賊防戍之地也兩處土田之出皆入兼
并之門私費何益唯摩尼山墾城祭田及府

官祿俸外餘田皆以軍簿收之且置窖兩處
以備糧餉禍從之五年正月門下府郎舍
上疏論時弊其詞曰國無三年之儲國非其
國我國一年之畜尚且不足一有緩急事勢
可畏屯田之法當今急務各道各州屯田法
制不行分種各戶秋收以爲賓客之供願自
今痛行禁理隨州郡殘盛定屯田之數每年
按廉別定守令秋收入庫報數都堂用是以
爲守令殿最東西兩界用兵最急宜於閑曠

之地設屯田遣公廉者備官牛農器勸督耕
耘以備軍須甲寅年後公私加耕之田兵息
爲限並屬軍須倉庫官司所屬田土令各道
按廉別定守令踏檢收納如有不得已國用
都堂量給其費其餘並屬軍須京畿各道功
臣田土丙申年以來被罪人土田一依憲司
所奏並屬軍須九年五月全羅道按廉使
呂稱啓倉廩虛竭無以供軍乃令道內居人
隨職品高下出米以助之奉朔通憲三十斗

正順奉順中正中顯二十斗奉常奉善十五
斗五六品十斗七八品七斗 十月宰輔曹
敏修等與耆老宰輔共議諸賜給田口分田
各寺社田並皆屬公盡收其租以備軍國之
需 十三年十一月命收私田半租以備軍
餉 十四年八月憲司上疏曰諸島漁鹽之
利畜牧之蕃海產之饒國家之不可無者也
我神聖之未定新羅百濟也先理水軍親御
樓船下錦城而有之諸島之利皆屬國家資

其財力遂一三韓自鴨綠以南大抵皆山肥膏不易之田在於濱海沃野數千里之稻田陷于倭奴薰葭際天倭奴之來前無橫草出入山郡如蹈無人之地國家既失諸島漁鹽畜牧之利又失沃野出穀之府願用漢氏募民實塞下防匈奴故事許於亡邑荒地開墾者限二十年不稅其田不使國役專仰水軍萬戶府修立城堡屯其老弱遠斥候謹烽燧居無事時耕耘漁鹽鑄冶而食以時造船寇

至則清野入保水軍出船擊之自舍浦以至
義州皆如此則不出數年流亡盡還其鄉邑
而邊境州郡既實則諸道漸次而充戰艦多
而水軍習海寇遁而邊郡寧漕轉易而京師
富水軍萬戶各道元帥能立屯田能修戰艦
能結人心能施號令能滅賊能安邊者賜之
島田世食其入傳之子孫其失一城堡一州
郡者軍法從事毋得輕宥以示勸懲

志卷第三十六





宋史

卷一百一十五

三

四

五

六

七

八

九

十

十一

十二

十三

十四

十五